

neo-angin®

1,2 mg + 0,6 mg + 5,9 mg

PASTILA

2,4 dihlorbenzil alkohol, amilmetakrezol, levomentol

Pažljivo pročitajte cijelo uputstvo prije nego počnete uzimati ovaj lijek, jer sadrži važne informacije za Vas.

- Uvijek uzimate ovaj lijek tačno onako kako je propisano u ovom uputstvu ili kako Vam je rekao Vaš ljekar ili farmaceut.
- Sačuvajte ovo uputstvo. Možda ćete ga htjeti ponovno pročitati.
- Ako imate dodatnih pitanja, obratite se svom farmaceutu.
- Ako primjetite bilo koje neželjeno dejstvo, potrebno je obavijestiti ljekara ili farmaceuta. To uključuje i svako moguće neželjeno dejstvo koje nije navedeno u ovom uputstvu, vidjeti poglavlje 4.
- Obavezno se obratite ljekaru ako se ne osjećate bolje ili ako se osjećate lošije nakon 3 do 4 dana.

Sadržaj uputstva:

1. Šta je **neo-angin®** i za šta se koristi
2. Prije nego počnete uzimati **neo-angin®**
3. Kako uzimati **neo-angin®**
4. Moguća neželjena dejstva
5. Kako čuvati **neo-angin®**
6. Dodatne informacije

1. ŠTA JE NEO-ANGIN® I ZA ŠTA SE KORISTI

Lijek **neo-angin®** je antiseptik i blagi analgetik za usta i grlo čije djelovanje se zasniva na kombinaciji aktivnih supstanci 2,4 dihlorbenzil alkohola, amilmetakrezola i levomentola.

Lijek je namijenjen za kratkotrajno potporno liječenje upale sluznice grla praćene tipičnim simptomima kao što su grlobolja, crvenilo ili otečenost.

Obavezno se obratite ljekaru ako se ne osjećate bolje ili ako se osjećate lošije nakon 3 do 4 dana primjene ovog lijeka.

2. PRIJE NEGO POČNETE UZIMATI NEO-ANGIN®

Nemojte uzimati lijek neo-angin®

- ako ste alergični na neku od aktivnih ili pomoćnih supstanci ovoga lijeka (navedene u poglavlju 6.)
- ako imate astmu ili druge bolesti disajnog sistema povezanu sa osjetljivošću disajnih puteva kod kojih može doći do bronhokonstrikcije zbog ulja nane (mente, paprene metvice) i mentola.
- Pastile se ne smiju primjenjivati kod djece mlađe od 6 godine

Budite oprezni sa lijekom neo-angin®

Obratite se svom ljekaru ili farmaceutu prije nego uzmete **neo-angin®** pastile u slučaju prethodnog dugotrajnog kašljanja, iskašljavanja ili promuklosti. Kod ustrajnih simptoma, porasta temperature ili pogoršanja opšteg stanja, potrebno se odmah posavjetovati sa ljekarom jer će stanje možda biti potrebno liječiti drugim lijekovima.

Ako imate žgaravicu ili hijatalnu herniju, ponekad može doći do pogoršanja ovih simptoma nakon uzimanja ulja nane (mente, paprene metvice) pa je u tom slučaju potrebno prekinuti primjenu ovog lijeka.

Dijabetičari

Jedna pastila lijeka **neo-angin®** sadrži 1,14 g glukoze i 1,42 g saharoze (šećer) što odgovara otprilike 10 kcal (42 kJ). To treba uzeti u obzir kod bolesnika koji imaju šećernu bolest.

Uzimanje drugih lijekova sa lijekom neo-angin®

Obavijestite svog ljekara ili farmaceuta ako uzimate ili ste nedavno uzimali ili biste mogli uzeti bilo koje druge lijekove.

Interakcije s drugim lijekovima nisu poznate.

Uzimanje hrane i pića sa lijekom neo-angin®

Lijek **neo-angin®** nemojte uzimati neposredno prije i tokom obroka ili uzimanja tečnosti.

Trudnoća i dojenje

Ako ste trudni ili dojite, mislite da biste mogli biti trudni ili planirate trudnoću, potražite savjet ljekara ili farmaceuta prije uzimanja ovog lijeka.

Nema dostupnih kliničkih podataka o izlaganju lijeku **neo-angin®** tokom trudnoće i dojenja. Ispitivanja na životinjama ne pokazuju da **neo-angin®** direktno ili indirektno štetno djeluju na trudnoću, razvoj ploda, porod ili razvoj djeteta.

Zbog nedovoljne količine informacija, nije moguće u potpunosti isključiti rizike za nerođeno dijete, pa se stoga ne preporučuje uzimanje ovog lijeka tokom trudnoće ili dojenja.

Upravljanje vozilima i mašinama

Uticaj ovog lijeka na sposobnost upravljanja vozilima i rada sa mašinama nije vjerovatan.

Ostala upozorenja

Lijek **neo-angin®** sadrži boju Ponceau 4R (E124), koja može uzrokovati alergijske reakcije.

Također sadrži glukozu i saharozu pa ako Vam je Vaš ljekar rekao da imate poremećaj nepodnošenja nekih šećera, prije uzimanja ovog lijeka posavjetujte se sa svojim ljekarom.





3. KAKO UZIMATI NEO-ANGIN®

Uvijek uzmite ovaj lijek tačno prema ovdje navedenim uputstvima, ili kako Vam je rekao Vaš ljekar ili farmaceut. Obratite se ljekaru ili farmaceutu ako niste sigurni kako se uzima ovaj lijek.

Preporučena doza je:

Odrasli i djeca starija od 6 godina trebaju polako otopiti jednu pastilu u ustima svaka 2-3 sata. Maksimalna dnevna doza je ukupno 6 pastila.

Ako se simptomi pogoršaju ili ne nastupi poboljšanje u roku od 3-4 dana, javite se Vašem ljekaru.

Djeca

Lijek **neo-angin®** se ne smije primjenjivati kod djece mlađe od 6 godina.

Ako uzmete više lijeka **neo-angin®** nego što ste trebali

Nema prijavljenih slučajeva predoziranja. U slučaju predoziranja, koje je vrlo malo vjerojatno, neželjena dejstva opisana u poglavlju 4. mogu se javiti u intenzivnijem obliku pa se preporučuje javiti svom ljekaru.

Ako ste zaboravili uzeti **neo-angin®**

Nemojte uzimati dvostruku dozu lijeka kako biste nadoknadili zaboravljenu dozu.

U slučaju bilo kakvih nejasnoća ili pitanja u vezi sa primjenom ovog lijeka obratite se svom ljekaru ili farmaceutu.

4. MOGUĆA NEŽELJENA DEJSTVA

Kao i svi lijekovi, ovaj lijek može uzrokovati neželjena dejstva iako se one ne pojavljuju kod svakoga.

Moguća neželjena dejstva i njihova učestalost:

Vrlo rijetko (javljaju se u manje od 1 na 10 000 bolesnika): nadraženosť sluznice usta i želuca.

Nepoznata učestalost (ne može se procijeniti iz dostupnih podataka): mogu se javiti alergijske reakcije poput oticanja usta i jezika.

Dodatna neželjena dejstva kod djece:

Ulje nane (mente, paprene metvice) može uzrokovati grč grkljana kod dojenčadi i djece do 2 godine starosti.

Prijavljivanje sumnje na neželjena dejstva lijeka

U slučaju bilo kakvih neželjenih reakcija nakon primjene lijeka, potrebno je obavjestiti Vašeg ljekara ili farmaceutu. Ovo podrazumijeva sve moguće neželjene reakcije koje nisu navedene u ovom uputstvu za pacijenta, kao i one koje jesu.

5. KAKO ČUVATI NEO-ANGIN®

neo-angin® trebate čuvati izvan dohvata i pogleda djece.

Lijek čuvati na temperaturi do 25°C, u originalnom pakovanju (zaštićeno od vlage).

Rok trajanja:

Rok trajanja naveden je na vanjskom pakovanju.

Rok trajanja je 3 godine od datuma proizvodnje navedenog na pakovanju!

Ovaj lijek se ne smije upotrijebiti nakon isteka roka trajanja navedenog na pakovanju. Datum isteka roka trajanja odnosi se na zadnji dan navedenog mjeseca.

Nikad nemojte nikakve lijekove baciti u otpadne vode ili kućni otpad. Pitajte svog farmaceuta kako odložiti lijekove koje više ne koristite. Ove mjere će pomoći u očuvanju okoline.

6. DODATNE INFORMACIJE

Šta sadrži lijek **neo-angin®**:

Aktivne supstance:

1 pastila sadrži: 1,20 mg 2,4 dihlorbenzilnog alkohola, 0,60 mg amilmetakrezola i 5,90 mg levomentola

Pomoćne supstance:

saharoza, glukoza, tekuća, boja Ponceau 4R (E124), tartaratna kiselina, eterično ulje zvjezdastog aniša, eterično ulje nane (mente, paprene metvice).

Kako izgledaju pastile **neo-angin®** i sadržaj pakovanja:

Pastile.

Crvene, okrugle, blago bikonveksne, gotovo prozirne pastile.

24 (2x12) pastile u PVC/PVDC//Al blisteru.

Ime i adresa nositelja dozvole za stavljanje u promet gotovog lijeka

CLINRES FARMACIJA d.o.o.

Alipašina 29, 71000 Sarajevo, Bosna i Hercegovina

Ime i adresa proizvođača lijeka (administrativno sjedište)

DIVAPHARMA GmbH

Motzener Strasse 41

12277 Berlin, Njemačka

Ime i adresa proizvođača gotovog lijeka (mjesto puštanja lijeka u promet)

DIVAPHARMA GmbH

Motzener Strasse 41

12277 Berlin, Njemačka

Režim izdavanja

Lijek se izdaje bez ljekarskog recepta.

BROJ I DATUM RJEŠENJA O DOZVOLI ZA STAVLJANJE GOTOVOG LIJEKA U PROMET
neo-angin®, pastila, 24 x (1,2 mg + 0,6 mg + 5,9 mg): 04-07.3-2-5454/18 od 19.03.2019.

DATUM REVIZIJE UPUTSTVA

Mart 2019